

E bareskoro chhavo lilya e shukare chhaya, kola ulo ko shero zlatno pero, kay svetinlas sar kham. Ingelde la ko barvalo palati. O samodivsko grast mulo, a i chhay barendar kergya leske pametnikos thay lilya peske proshka lesa. I shukar chhayori prandesalili e barvale chhaveste. Phuchlya e phures thay e bares:

– Sar chukka but bresha nikon na margya me grastes, a akana tume margen les?

E bareskoro chhavo vakergya, kay sikavgya les o phuro. Gele ko dvoretsos thay zazhivinde shukarimaste.

Kalke barvalipnaste ule trin zmeyovya, kola kernas khanlipe. E barvaleskoro chhavo phuchlya e phures sar te mudarel e zmeyoven. O phuro vakergya leske:

– Saranda bivolitsen te izdoshas thay kazaneste te keras presno thut. Ale o trin zmeyovya andre. O phuro vakergya lenge:

– Ayde te izthovas tumen ko thud, za te achhon shukar, sar e barvaleskoro chhavo.

O baro zmeyos vakergya:

– Anglal me te nanyav ko thud.

Dinya andre, thardya pes thay mulo. O phuro chhingya ekhe bashnes thay leskere porya thovgya pe vogeste. Okova zmeyos dikhlya kay visinna leske dalka porya ko vogi thay vakergya leske soske visisnena dalka porya. A o phuro iringya leske:

– Po sigo phuter to vogi te thovas les, za te na tharel pes to phral.

O duyto zmeyos chhingya po vogi thay mulo. O trinto zmeyos phuchlya kate si leskere trin phrala, a ola vakerde leske:

– Ola beshena peske, khine si thay vakerde te na rodes len.

Tharde i yag, vakerde e tretone zmeyoske:

– De ande bov, za te achhyos shukar thay zoralo – nikon te nashti te pobedinel tut, peklo-prepeklo thay kalo-prekalo.

Dinya o trinto zmeyos ko bov thay izpekilo. I chukka o bareskoro chhavo thay o phuro spasinde o barvalipe tar o trin zmeyovya. Akana, o phuro kerlas buti pash o baro ko koshares, ama na svetinlas momelentsa, a e perosa e shukare chhayakoro. O baro phuchlya les:

– Soske phureya, na lesa momelya, a savoro svetinla?

Leskoro chhavo vakergya leske:

– Les siles samodivsko peros, kova svetinla savore thanes.

O phuro vakergya e bareskere chhaveske: